



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tripartita Demonstratio, Worin Augenscheinlich wird
vorgestellt/ Daß Die Stadt Hildesheim von Jhrem Anfang
biß hiehin den Herren Bischöffen Als jhren
Landts-Fürsten/ Gleich anderen Municipal-Städten ...**

Hildesheim, A[nn]o 1691.

Num. 74. Extractus ex operibus Kranzij.

urn:nbn:de:hbz:466:1-38409

ter adhæferunt, & propter graves expensas & labores, quos faciunt & fecerunt in custodiis & munitiombus urbis, de communi consensu damus ejusdem Burgensibus plenam & liberam potestatem muniendi valvam urbis, qua Monasterium sancti Godehardi respicit, & totum murum cum viâ in circuitu urbis, ita videlicet, quod ipsam valvam claudendi, aperiendi & custodiendi die & nocte sicut unam de valvis sue civitatis liberam habeant potestatem, insuper damus ipsis potestatem minores portas urbis, que cum periculo sunt aperta, perpetuò obstruendi: Ne igitur super hoc facto imposterum dubitari contingat, præsens scriptum eis damus Sigillorum Nostrorum munimine roboratum; Datum Hildensem. Anno Domini M. CC. XLIX. X. Calend. Augusti.

Num. 74.

Extractus ex operibus Kranzj.

Lib. 2. Saxonie cap. 24. lin. mibi. 33. & seqq.

Idem quoque Rex ante postque annis aliis septem fundavit in eâ Provinciâ (nimirum Saxoniam) Ecclesias donans Regalia Pontificibus, quod intelligeret, populum effrenem posse Religione contineri, armis vero placari non posse, Verdensem, Myndensem, Paderbornensem, Osnabrugensem, & ultra Weseram Hildensem & Halberstademsem.

Idem lib. 2. Saxon. Cap. 23. sub. initium.

Wedekindus autem pacatus in suâ sedet Provinciâ Westphaliam solam gubernans, nam ultra Visurgum Provinciâ & angustiis Wandalorum premebatur, & quod tenere ditionis Pontifices gubernabant.

Idem in præfatione Metropolis pag. mibi. 2. l. 3.

Lex pacis non alia fuit victorioso Principi (nimirum Carolo Magno) quam ut contemptis idolis, veram & synceram, atque æternam Christi religionem amplecterentur (scil. Saxones) Quumque persentiret optimus Rex, gentem duræ cervicis non ferre jugum terrenæ dominationis, partitus est provincias religiosis Christi Sacerdotibus, quos jussit Episcopos consecrari, quibus à Summo Pontifice, & Legatis ejus, cum attributus esset ensis ille spiritualis Distinctionis, ipse Carolus SUUM illis adjecit, ut haberent, quo contumaces, & terrerent, & distringerent.

Verum nullum certius hujus rei testimonium, quam verba ipsiusmet Caroli inserta foundationi Bremensis Ecclesiæ. Quæ habet

Lib. 2. Saxonie cap. 15. initio & lib. 1. Metrop. cap. 7. & 8.

Cap. 14. Saxon. lin. m. 43.

Operæ pretium judicavi inferere Privilegiū Caroli, quod tum contulit Ecclesiæ Bremensi, unde discant posteri, quid permoverit optimum Regem, EPISCOPIS NON DUCIBUS SUIS terram supponere, cernantque de temporum ratione complurima, quæ alibi non legantur, Exemplar ergo ejus Privilegii Bremensi Ecclesiæ à Carolo donati.

Saxon. Cap. 15. init.

In nomine Domini & Salvatoris nostri JESU Christi, Carolus Divinâ ordinante clementiâ Rex. Si Domino Deo exercituum succurrente in bellis victoriâ potiti sumus, in illo, & non in nobis gloriamur: Et in hoc sæculo pacem & prosperitatem, & in perpetuo futuro æternæ mercedis

dis retributionem nos promereri confidimus: Quapropter, noverint omnes Christi fideles, quod Saxones, quos à progenitoribus nostris ob suæ pertinaciæ perfidiam semper indomabiles, ipsique DEO & Nobis tam diu Rebelles, quousque illius, non nostrâ virtute, ipsos & bellis vicimus, & ad Baptismi gratiam DEO annuente perduximus, pristinae libertati donatos & omni nobis debito censu solutos, pro amore illius, qui nobis victoriam contulit, ipsi Tributarios, & Subjugales devotè addiximus, videlicet, ut qui nostræ Potestatis jugum hæctenus ferre detrectarunt, victi jam (DEO gratias) & armis & fide Domino, ac Salvatori nostro JESU Christo, ac Sacerdotibus ejus, omnium suorum jumentorum & fructuum totiusque culturæ decimas, ac nutrituræ divites ac pauperes legaliter constricti persolvant. Proinde omnem terram eorum antiquo Romanorum more in Provincias redigentes & inter Episcopos certo limite distermnantes.

Glossa Kranzj ibid.

[Regionis bello victæ Episcopi Domini constituuntur.]

Septentrionalem illius partem, quæ & piscium ubertate ditissima, & pecoribus alendis habetur, aptissima, pio Christo & Apostolorum suorum Principi Petro pro gratiarum actione devotè obtulimus, sibi que in Wigmodiâ in loco Bremen vocato, super flumen Weseram, Ecclesiam & Episcopalem constituimus Cathedram &c.

Quamobrem quia, omnipotens Deus in gente Phrisonum sicut Saxonum ostium suum aperuit, partem prænominatæ Regionis Phrisiæ, quæ contigua, huic Regioni esse dignoscitur, eidem Bremensi Ecclesie, suoque Provisori Willehado Episcopo, ejusque Successoribus perpetuò delegavimus retinendam, & quia casus precedentes nos cautos faciunt in futurum, ne quis (quod non optamus) aliquam sibi in eadem Diœcesi usurpet potestatem, certo eam limite facimus terminari, eique hos terminos Mare, Oceanum, Albim Fluvium, &c.

Et ut hujus donationis ac circumscriptionis Autoritas nostris futurisque temporibus Domino protegente valeat inconcussa manere, manu propria subscripsimus, & annuli nostri impressione signari jussimus.

Signum Domini Caroli Regis invictissimi: Hildebaldus Archi-Episcopus Colonienfis & sacri Palatii Capellanus recognovi, data II. Idus Julii Anno Dominicæ Incarnationis 788. Indictione 12. Anno autem Regni Domini Caroli 21. Actum in Palatio Nemetensi feliciter, Amen.

Idem lib. 2. Saxonie cap. 29. In verbis

Crediderim Saxones eâ ætate jam subditos religioni paruisse PONTIFICIBUS, nec DUCIS ALICUJUS TULISSE IMPERIUM &c.

Num. 75.

Diploma Sancti Henrici Secundi Imperatoris.

IN Nomine Sanctæ & individua Trinitatis: Henricus Divinâ favente Clementiâ Rex. Si Sacerdotum & Servorum DEI petitiones pro suis necessitatibus, quæ nobis innotuerunt ad effectum perducimus, non solum Regiâ consuetudine exercemus, verum etiam ad æternæ Beatitude præmia capescenda, talia Nobis facta profutura liquidò confidi-